



Kuupik Vandersee Kleist
Inatsisartunut ilaasortaq
Inatsisartut

§37 057 Saammaateqatigiinnissaq pillugu Ataatsimiititaliarsuaq

Inatsisartut suleriaasianni § 37 naapertorlugu apeqqu-teqaat Inatsisartunut ilaasortamit Kuupik Vandersee Kleist-imit Inuit Ata-qatigiinneersunit Naalakkersuisut ulloq 28. februar 2014-imi tigusaqarput.

Apeqqutit akineqarnerat:

1. Saammaateqatigiinnissaq pillugu Ataatsimiititaliarsuup sulinermini najoqqutassaa qaqugu qanorlu suliarineqassava?

Akissut:

Saammaateqatigiinnissamut Isumalioqatigiissitap allattoqarfissaa pilersinniarneqaleruttoq. Naalakkersuisut tamatuma kingorna Inatsisartuni partiit ataasiakkaarlugit oqaloqatigissavaat isumalioqatigiissitap pillugu ilassutissaqarnersut, Saammaateqatigiinnissamut Isumalioqatigiissitap qanoq isikkulorsorneqarnissaa kiisalu ilaatigut isumalioqatigiissitami kikkut ilaasortaassanersut pillugit siunnersuutissaqarnersut tusarniarlugit. Saammaateqatigiinnissamut sulinermi partiinit sunniuteqataaffigineqarlunilu isumaqataaffigineqarnissaa Naalakkersuisut pingaartippaat. Qulaani suliaasaq 2014-ip aasannginnerani aallartissaaq.

2. Suliaassami tassani Inatsisartut peqataatinneqassappat, taamaassappallu qanoq?

Akissut:

Apeqqut 1-imut akissut takuuk.

3. Danskit naalakkersuisuisa suliamut peqataaniaratik nalunaarnerat qanoq Naalakkersuisut isummersorfigaat?

Akissut:

Danskit naalakkersuisui saammaateqatigiinnissamik suliaqarnermi peqataanissaannik Naalakkersuisunit toqqaannartumik neqeroorfiginngilaat, taamaattoq danskit naalakkersuisuisa pingaarnersiunerput tusaatissat tiguaat. Saammaateqatigiinnissamik suliaqarneq pingaarpallaaqaaq tamatumangga unitsinneqassalluni, taamaammat Naalakkersuisut suliniutertik ingerlatiinnassavaat. Danskit naalakkersuisui kingorna sulinermit peqataarusulissagunik Naalakkersuisut nuannaarutigalugu sulinermit peqataatilissavaat.

13-03-2014
Suliap nr. 2014-096948
All. nr. 1506816

Postboks 1015
3900 Nuuk
Oqarasuaat (+299) 34 50 00
Allakkasuartaat (+299) 32 50
02

E-mail: govsec@nanoq.gl
www.naalakkersuisut.gl

4. Innuttaasut peqataatinneqarnissaat Naalakkersuisunit qanoq pilersaarutigineqarpa?

Akissut:

Naalakkersuisut nuannaarutigaat Saammaateqatigiinnissamik sulinermi inuiaqatigiit peqataatinneqarnissaat Inatsisartunut ilaasortap aamma pingaartimmagu. Saammaateqatigiinnissamik sulinerup iluatsinnissaanut tamanna tunngaviulluinnarpoq.

Saammaateqatigiinnissamik isumalioqatigiissitap suliani nammineq aqqissuutissavaa, Isumalioqatigiissitallu suliaasaanut ilaassaaq pisortani suliat piumasaqaateqarfiginissaat. Sinerissami oqallinnernut, oqaluttuarluni sammisaqarluniluunniit ataatsimiinnermut imaluunniit oqalugiartuni saqqummiinnermut tunngasinnaapput, tv-ikkut radio-kkullu aallakaatitaasinnaapput kiisalu naqitanngorlugit saqqummersitat, immaqalu attavitsigut inuit naapittarfianni assigiinngitsunik sammisaqartitsinikkut pisinnaalluni.

5. Ataatsimiittaliarsuaq qassinik ilaasortaqaassava ilaasortassallu suut tunngavigalugit toqqarneqassamaapat?

Akissut:

Saammaateqatigiinnissamik Isumalioqatigiissitaaq 4-6-inik ilaasortaqaarsinnaanera Naalakkersuisut takorloorsinnaavaat.

Saammaateqatigiinnissamik Isumalioqatigiissitami ilaasortassat piginnaasaat naapertorlugit toqqarneqassapput. Saammaateqatigiinnissamik suliaqarnermi piginnaasaqarfiit assigiinngitsut aallaavigalugit isummersueqataasinnaassapput. Piginnaasaqarfiit assigiinngitsut tassaasinnaapput tarnip pissusaanut tunngasut, oqaluttuarisaaneq, inuit pillugit oqaluttuarisaaneq, eqqarsaqqissaarnermut tunngasut ilaasinnaapput, soorluttaaq inuiaqatigiilerinermi / naalagaaffiit pillugit ilisimatusarnerit, inatsisilerineq allallu aamma sammiviusinnaapput. Piginnaasaqarfiit allat iluaqutigineqarsinnaasutut isigineqarpata sivikitsumik atorineqarsinnaapput, allallu ataavartumik ilaatinneqarsinnaallutik.

Qulaani piginnaasaqarfittut sammineqarsinnaasutut taakkartukkat Saammaateqatigiinnissamik Isumalioqatigiissitami pinngitsooratik ilaasariaqanngillat. Aammattaaq mattunneqassanngillat piginnaasaqarfiit allat sulinermit ilanngunneqarsinnaaneri.

6. Ataatsimiittaliarsuup sulinermini naammassisassaa qanoq ittuussasoq takorloorneqarpa, suliallu inernera qanoq atorineqartussatut takorloorneqarpa?

Akissut:

Naalakkersuisut takorloorpaat Saammaateqatigiinnissamik Isumalioqatigiissitaaq nalunaarusiussasoq, iliuusissatut pilersaarummik aamma isumalioqatigiissitap sulinera tunngavigalugu innersuussutinik nalunaarusiaq imaqaassalluni. Iliuusissatut pilersaarutit inassuteqaatillu taakku inuiaqatigiinnut,

naalackersuinikkut aalajangiisartunut aamma/imaluunniit allanut inuiaqatigiinni saammaateqatigiinnissamut akornutaasunik aaqqiiniarnermi sulinermut sammitinneqassapput. Iliusissatut pilersaarutit inassuteqaatillu tigussaasut Saammaateqatigiinnissamik Isumalioqatigiissitaneersut iluaqutaasinnaasorineqarpata aamma suliakkiutigineqarsinnaapput. Sulinerup ingerlannerani immaqa nutaanik ilisimasaqartoqalissaaq. Pissutsit assigiinngitsut eqqumaariffigineqalerpata oqallisigineqalerpatalu imaassinnaavoq tamanna immini inuiaqatigiit akornanni saammaateqatigiinneq paasinninnerlu annerulersoq.

Inussiarnersumik Inuulluaqqusillunga


Aleqa Hammond